

## COMMUNICAZIUN A LAS MEDIAS

### Las uniuns da chant e musica dal Grischun collavuran pli stretgmain

**Venderdi, ils 18 da zercladur 2021, han represchentantas e represchentants da l'Uniun chantunala da musica dal Grischun e da l'Associaziun da las scolas da chant e musica dal Grischun signà a Cuira in manifest che exprima la voluntad per ina collavuraziun pli stretga.**

Il nov artigel 67a en la Constituziun federala stgaffescha la basa per rinforzar la furmaziun musicala. Far musica duai avair in plaz central en la vita durant u sunter il temp da scola e la scola da musica, p.ex. en in'uniun, in orchester u in chor. Per quest motiv han represchentantas e represchentants da las grondas associaziuns da laics communitgà a l'Associaziun svizra da las scolas da musica (ASSM) il giavisch da promover la collavuraziun tranter las scolas da musica en Svizra e las associaziuns da laics. Sco part dal project «La scola da musica da damaun» ha l'ASSM alura formulà ensemen cun las associaziuns da laics ina charta per promover questa cooperaziun fitg giavischabla. Questa charta è vegnida signada l'onn 2017 sin plaun naziunal.

#### Collavuraziun sin plaun chantunal

Sche la collavuraziun da las associaziuns che s'engaschan per la musica duai purtar fritg, na dastga ella betg esser limitada al plaun naziunal. Ella sto vegnir purtada da las associaziuns chantunalas en las instituziuns ed uniuns localas. Quest patratg directiv suondan l'Uniun chantunala da musica dal Grischun (UCMG) e l'Associaziun da las scolas da chant e musica dal Grischun (ASCMG) en lur stentas d'aprofundar e da concretisar la collavuraziun. Il manifest da voluntad correspondent stipulescha tranter auter:

*„Las associaziuns da musica chantunalas analyseschan en consideraziun da lur cumpetenzas il basegn d'agir concret ed elavuran sin basa da quel projects communabels. En pli sensibiliseschan e motiveschan ellas las uniuns ed instituziuns communalas sin il champ da la musica per pussaivladads da far activitads communablas.“*

#### Annexa

Fotografia: Suttascripziun dal manifest, d.s.a.d.: Andy Kollegger (president UCMG), Adrian Willi (responsabel per la giuventetgna UCMG), Rahel Hohl (ressort Scola da musica ASCMG), Patric Vincenz (president ASCMG).

Contact:

UCMG

Andy Kollegger

[praesident@gkmv.ch](mailto:praesident@gkmv.ch)

0794081555

ASCMG

Patric Vincenz

[patric.vincenz@bunafe.ch](mailto:patric.vincenz@bunafe.ch)

0796367604